



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.434/6



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.434/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.434/a



Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.434/v

ΘΕΩΝ ΚΡΙΣΙΣ.

251

IVDICIVM PARIDIS.

DE TRIBVS DEABVS LATVM,

IN NVMISMATE IMP. ANTONINI PII EXPRESSVM:

EPISTOLA

CAROLI PATINI.

EQVITIS D. MARCI, DOCT. MEDICI PARIS.

& in Academia Patauina Medicinæ Professoris.



PATAVII ; M DC LXXIX.

Typis Ioannis Baptistæ Palquati.

Superiorum Permissu.

Hæc studia adolescentiam alunt, senectutem oblectant, secundas res ornant, adversis perfugium ac solatium præbent; delectant domi, non impediunt foris, pernoctant nobiscum, peregrinantur, rusticantur.

Cicero, pro Archia.

75 - 253
Illustrissimo & Excellentissimo D.
D. ANGELO
MAVROCENO,
DIVI MARCI PROCURATORI,

Patrono suo optimo,

CAROLVS PATINVS.



Nunus è cimeliarchio tuo depromptus ad Te redit, Illustrissime ac Excellentissime Domine, liceat enim nobis hac in re sapientissimam rerum naturam imitari, quæ fontes omnes è sine maris per terræ latebras deductas, eodem recurrere voluit. Cui verò potius quam Tibi redderemus, ad quem non dominij solum ratione pertinet, sed & obligationis illius jure, qua me Tibi totum, jam pridem penitus obstrinxisti ac mancipasti. Non equidem locus hic est, vel laudum tuarum amplitudinem vel tuorum in me benefactorum magnitudinem condignè satis exornandi; neque etiam id mihi jam est propositum, illud solum indicasse sufficiat summa me voluptate affuisse præclarorum illorum Numismatum aspectum, quæ cum statuis alijsque antiquis signis & cimelijs, ex hæreditate FRANCISCI MAVROCENI, Patruj Tui, quondam accepisti. Iunxerat enim ille ingentibus animi dotibus, & rerum bello pacèque gestarum gloriæ, quibus certatim à singulis *PATER PATRIÆ*, ab universis *IL DOGE* cognominari meruerat, harum quoque deliciarum nostrarum amorem: Itaque cum multum ornamenti hæc nostra studia tanti Viri accessione accepissent, ipse vicissim ab his, veluti mutui amoris indicio, honore non contemnendo est cumulatus. Cum enim inter alia præclara facinora, Candiæ forum, quæ caput regni Cretici fuit, insigni fonte exornasset, non longè post cetera quidem aliorum monumenta, quæ ibidem erant plurima, sapientissimi Senatus Veneti decreto dejecta soloque affixa sunt: Fonti huic soli tanquam pulcherrimo urbis ornameto, atque herois illius MAVROCENI monumento ut parceretur jussum.

sum est. Neque deterior illius fortuna sub Turcis fuit, in quorum manus cum Candia tandem peruenisset, in alia quidem Venetorum monumenta sævitum, hoc verò intactum relictum est. Quod singulare pereximij fontis fatum meritò dignum est iudicatum, vt nummis impressum ad posterios transmitteretur: vt exinde discerent, FLVMEN aquæ limpidæ plus in hac ciuitate valuisse, quàm FVLMINA toties pro ejus salute ab Ioue regni quondam præfide in hostes contorta.



Ita æquum fuit in Nummis, ejus celebrari memoriã qui huius elegantie nostræ studium adeo in delicijs habuisset; quique thesauri sui nummarij tam dignum tamque præclarum hæredem reliquisset. Quamvis autem quæ huius thesauri sit dignitas haud difficulter intelligas ipse, faciendum tamen mihi esse putauit vt idem tecum & alij sciant, quod alio in loco *Θεῶν σὺν παλάμῃ* demonstrabo vberius. Interim temporis vt ex *κρασπίδος τὸ ὕψος*, vt aiunt, dignoscatur, vnicum, vt promisi, Numisma, veluti prolusionis loco, *φιλαρχαίων* oculis & examini diligentiori subijcere animus est. Quod vt fauente Te fiat, Illustrissime & Excellentissime Domine, iterum iterumque contendo.

Nummus ille cujus expositionem præcipuè suscepimus, æreus est primæ magnitudinis quam Itali vulgò *gran rame* nuncupant; spissior tamen ordinarijs, vt maximum modulum æmuletur, ac pro *medaglione* haberi possit. Nobili est obductus ærugine, seu, vt cum vulgo loquar, *patina verde*, quæ obscurum smaragdum mentitur. Cæterum virgo est: Virgines nuncupamus nummos qui nullius manibus durius attriti, quique nec scalpello, nec alio huius generis instrumento, contrectati vel restituti, venerandæ antiquitatis ornamentis superbiunt, nullo illiti fucò, nulla impostura. Cujusmodi nummi quoties mihi offeruntur intuenti, stomachum mouere solet peruersa illa corruptorum industria, quæ quanto maior

major est, & antiquitatem mentitur propius, eo majori reprehensione dignam existimo. Frequentes certè his in regionibus occurrunt nummi, aliud representantes, aliud sub larua, vt ita loquar, occultantes. Quoties nobis obiectus est Orho quem Neronem deprehendimus? Pertinacem, Did. Iulianum, ipsumque Pescennium sæpe exhibuerunt prophani sacrorum nostrorum violatores, vulpecularum instar, amœnissimum Musarum hortum deuastantes; hos quippe nummos pro Sept. Seuero agnouimus, promissa barba ab illis gestari solita plus minùsue detonsa. Gordiano Pio seu tertio tres litteras addunt. AFR, e quibus se Gordianum Africanum Circæa quadam arte produxisse arbitrantur. Emilianum ex Philippi nescio qua similitudine fingunt, Tranquillinam ex Otacilia Seuera, suppositis interdum vt facie sic tota inscriptione. Tales cum inspicio, in mentem venire solet veterum Saturnalium mos, quibus fas erat seruis heriles gestare vestes, ac dissimulata vili conditione dominationem imitari. Cai non absimile quod in nostris Saturnalibus quæcarnuale vulgus nuncupat, fieri consuevit, vbi etiam infimæ & abjectissimæ fortis homines, quascunque induunt personas; atque ita sumpta larua, nobilitatem quandam sibi conciliaisse putant. Hos nostri sæculi dolos, fraudes, ineptias exprobrabant lugebuntque posteris, n. irabunturque quod etiam ad ista homines adigere potuerit auri sacra fames.

Nummus autem ille, quem describimus, adeo integer est, vt non malè in illum quadret quod de illibato virginitatis fibre cecinit Catullus, *in carmine nuptiali*: quem locum quoniam in nummos quos scalpello interdum corrumpi diximus, mirè conuenit, huc transcribere lubet.

Multi illum pueri, multæ optauere puella.

Idem cum tenui carptus defloruit vngu,

Nulli illum pueris, nullæ optauere puella.

Sic Virgo, dum intacta manet, dum cara suis: Sed

Cum castum amisit, polluto corpore, florem,

Nec pueris iucunda manet, nec cara puellis.

Scalpturæ elegantia illum præterea lummi opere commendat; mira enim est exstantia, vt maiorem nummi magnitudo perferre vix potuerit.

Antonini Pij facies primo statim intuitu etiam tyronibus, parùm in hoc studio versatis, apparet, Numæ per omnia simillima: Adeo motum clementia ex ore suauissimo elucet. Adscripti characteres illum ita declarant: *ΑΥΤΟΚΡΑΤΩΡ ΚΑΙΣΑΡ ΤΙΤΟΣ ΑΙΛΙΟΣ ΑΝΤΩΝΙΝΟΣ* ANTONINVS AVGUSTVS.

Hoc est, Imperator Cæsar Titus AELIUS ANTONINVS AVGUSTVS. Auerfus nummus typo insigni decoratus est, duobus solum characteribus adscriptis, L. E. annum quintum indicantibus. Verùm cum ex illis alter latinus videatur, alter græcus, non parùm negotij Antiquarijs habetenus fecit hæc diuersitas; cum non satis constet & cur L. latinum pro græco. lambda A. suppositum sit, & cur annum significet. Illius ratio-

A. 3.

nem.

nem aliam non reperio, nisi dicere velimus Ægyptios figuram hanc ab antiquissimis temporibus acceptam in numerandis annis retinuisse; cum satis constet etiam latinas litteras suas, inque ijs & L, ab antiquis Græcis petiisse. Iam autem annum *λυκάβαντα* ijsdem temporibus dictum fuisse tum ex Homero manifestum est, apud quem verbum hoc sæpius, *ἔτος* verò, vt recentius, nunquam occurrit; tum auctoritate Macrobij qui l. i. Saturn. ita scribit: *Annum à vetustissimis Græcorum λυκάβαντα appellatum τὸν ἀπὸ τοῦ λύκου id est Sole βαϊνόμενον καὶ μετρούμενον. Λύκον autem Solem vocari etiam Lycopolitana Thebaïdos ciuitas testimonio est; quæ pari religione Apollinem itemque lupum, hoc est λύκον, colit, in vtraque Solem venerans, quòd hoc animal rapit & consumit omnia in modum Solis. Volunt alij λυκάβαντα dictum ab æquali luporum gressu, æquali semper periodo recurrentem. Quæ ratio cum quibusdam nimis videatur frigida, si quis velit, in eam possit apud Grammaticos exactius inquirere. Primis autem Antoniniani imperij annis cūsum hunc nummum fuisse certum est, tum ex appositis adoptiui parentis cognominibus, Titi Aelij Hadriani, quæ sibi initio imperij sumpserat; tum ex non inscripto PATRIS PATRIÆ nomine, in posterioribus illius nummis obuiο, quod delectum à Senatu primò disfulerat, cum ingenti gratiarum actione suscepit, inquit Capitolinus. Liceat enim mihi in argumento simili ratio- nibus ijsdem vti, quibus nuper V. Cl. Io. Petrus Bellorius in alius cuius- dam Antoniniani nummi explicatione vsus est, in quo Senatus Populus Que Romanus Annum Faustum Felicem Novum OPTIMO PRINCIPI PIO precatur.*

Quo in loco cūsus sit nummus, obscurum est, nullo eum prodente vel caractere vel indicio alio: cūm in plerisque frequenter occurrant nomi- na ΕΦΕΣΙΩΝ, ΠΕΡΤΑΜΗΝΩΝ, ΣΜΤΡΝΑΙΩΝ, scilicet Ephesiorum, Pergamenorum, aut Smyrναῶν, suum erga Imperatorem affectum at- que obsequium declarantium. In Asia porro percussū fuisse fortè suspi- cari licet ex insigni scalpurae artificio, plurimum à Romana discrepan- te; tamen vtrique sua sit præstantia, suus honos, vt vtra alteram supe- rauerit, iudicare sit difficillimum. Addam tamen hic eximij ac Regij pictoris Caroli le Brun hac de re iudicium, a quo non semel audiuisse me- mini, Græcos plus roboris, Romanos plus decoris suis statuis ac monu- menti adhibuisse. Asiaticum deinde nummum iuvare potest Asiæ pro- consulatus, quem referente Capitolino, sic egit Antoninus, vt solus avum, Trajanum scilicet, optimū quantumvis principem, vinceret. Optarem quidem adscriptos esse Troianos, quos interdum in num- mis antiquis animaduertimus cum ΙΑΙΕΩΝ atque ΔΑΡΔΑΝΙΩΝ ἐπιγραφή: ad eas quippe auersi nummi typus referri facillè posset, vt alter ille enu- dem

dem Antonini ex ære magno, & alter meus Commodi ex medio, à Colonia Latina Iulia CORintho percussus, in quibus Æneas ab incensa Troia fugere videtur, Anchisem humeris gestans sacra sua tenentem, dextera Iulum phrygio galero ornatum ducens: quam rem præter alios plures fusi recenset Dion Halycarnass. l. 1. ἀρχαιολ. Ρωμ. tum latinorum poetarum princeps, l. 2. *Æneid.* Ad eosdem Troianos Antonini nummos tres, inter nostros ex ære mediocri cufos, pag. 214. referri ipsa res probat, Romanæ scilicet gentis originem à Trojanis per Æneam deductam significantes, de qua isti summo opere gloriabantur. His addamus alium nummum Sept. Getæ, cum inscriptione rarissima ΔΑΡΔΑΝΙΩΝ, eandem Æneæ pietatem referentem: ad cuius intelligentiam facit quod notat Strabo, geogr. l. 13. *Dardanicam regionem quæ in campo Troiano est, Æneæ fuisse subditam, idque post Homerum, in catalogo.*

ΔΑΡΔΑΝΙΩΝ αὐτὸς ἦρχεν εἰς τὴν Αἰχίονα.

Dardanos regit Anchisæ pulcherrima proles.

Distis nummis subjungamus & istos raritate præstantes & ad rem nostram facientes, quibus & quartus è V. Nob. Tristani commentarijs addi posset, simili typo cum Iliensium nomiae insignitus; Palladem quippe parte altera refert, addito titulo ΙΑΙεων. Denique hujus argumenti nummi & alibi in libris nostris tam impressis quam imprimendis frequentius conspiciuntur.

Nummus Antonini.

Nummus Commodi.

Nummus Getæ.



Nec defset conjecturæ locus si quis Trallianos nummi nostri autores suspicari vellent: Horum quippe nomen ΤΡΑΛΛΙΑΝΩΝ legitur in nummo eiusdem Antonini, in quo Iuppiter sub aquilæ specie ad dormientem Ganymedem vnguibus apprehendendum atque in cælum deportandum se accingit. Scenæ enim idem locus fuit Ida, Phrygiæ mons, tum pincernæ Ganymedis raptui, ex Ouidio, *met.* l. 10. Strabone, l. 13. & Luciano in

in ΘΕΩΝ ΚΡΙΣΕΙ, tum iudicio Paridis de Deabus lato, quod in hoc nostro nummo exprimi credimus. Quin & Venerem ad Anchisem frequenter τῆς συνοικίας ἕνεκα venisse refert Lucianus, loco cit. Iunonem inducens ita Venerem alloquentem: Σὺ γὰρ ὡς τὸ εἶκος, ἔμποιος εἰ τοῦ χαρίου, πολλὰν, ὡς λόγος, κατελοῦσα πρὸς Ἀγγλῶν: Hoc est, Tu verò, ut decet, locorum perita es, quippe qua saepius, ut fertur fama, huc ad Anchisem descenderis. Alium quidem Cretæ montem celsissimum Idam esse novimus, in quo Pythæ sacra ædificata est ex Strabone, l. 12. Huic Phrygium Idam suum debere nomen, censent nonnulli, ut Strabo, l. 10. alij Phrygio Cretensem, ut Diodorus Siculus. l. 5. p. 235. Addam his ejusdem Diodori verba ex libro 17. ut pote argumentum nostrum valde illustrantia: In Idæ Phrygiæ montis eminentissimi medio, exstru- ctum antrum est Dijs accipiendis opportunum. In eo Alexander de tribus De- bus iudicium habuisse dicitur. Eiusdem antri meminit Lucianus, loco cit. & Strabo, l. 12. his verbis, locus est prope Idam in Troade nominatus Alexan- dria, in quo fertur Paridem iudicasse Deas: Εἶσι δὲ τόπος ἐν τῇ Ἰδῇ τῇ Τροικῇ, Ἀλεξάνδρεια λεγόμενος, ἐν ᾧ φασὶ τὸν Πάριον διακρίνει τὰς θεάς. Sed ad Trallianos redeo. Observat Capitolinus, Antoninum Pium in Asiæ proconsulatu sic imperij nomen accepisse: Nam cum sacerdos semina, TRALLIS ex more Proconules semper hoc nomine salutarct, non dixit Aue Proconsul, sed Aue Imperator. Hæc de Trallianis. Veruntamen potius est ut dicamus nec ab his, nec a Dardanijis, aut Ilensibus, signa- tum esse numisma, sed à ciuitate quadam Ægypti, Antopino Imperato- ri, qui Romanam originem plurimis alijs nummorum monumentis con- celebratam reliquit, symbolo hoc adulante. Idque inscripserat imperij an- nus, qui mos Ægyptiorum fuit, euincere videtur: tamen si hæc cælaturæ præstantia excedat forme consuetam Ægyptiorum nummorum formam, ut ita stante hac nostra opinione, à perito artifice, in principe quadam ciuitate, quælis Alexandria fuit, nummum hunc percussum esse dicen- dum sit.

Iam ad rem ipsam veniamus, & quid figuræ hæc sibi velint exponemus. Hæc equidem videre mihi videor Mercurium sinistra caduceum tenere, dextrâ Paridem deducere ad tres Deas, iudicium exposcentes. Pars galero Phrygio ornatus pomum dextra tenet, quod harum formosissimæ Ioue sic iubente, donaturus est. In Idæ vertice sedet Iuno Dearum Regi- na, hastam puram pro more tenens, quæ antiquissimis temporibus sceptri loco fuit: Hinc illinc stantes cerno Venerem Pallademque, armatam hanc galea & hasta, illam verò, ut solet, nudam. In radice montis seu collis, inter arbuta fruticesque, taurus manifeste dignoscitur, ac fortassis etiam mus; quæ omnia sigillatim perpendenda veniunt.

Ac primum quidem Hygini fabulam cui titulum fecit **PARIDIS IVDICIVM** huc transcribere non abs re puto. Hunc enim potius quam alium vllum, ex tanta Scriptorum turba, qui fabulam hanc & celeberrimum illud excidium Troia scriptis prodiderunt, & commentis impleuerunt, vt producere facit maxime, quod ille Antonini Aug. cuius nummum explicandum suscepimus, libertus fuisse feratur, vt vir doctiss. Io. Schefferus suis in illum lucubrationibus fecit manifestum.

Fabula XCII. **PARIDIS IVDICIVM.**

Iouis, cum Thetis Peleo nuberet, ad epulum dicitur omnes Deas conuocasse, excepta Eride, id est, Discordia; quae cum postea superuenisset, nec admitteretur ad epulum, ab janua misit in medium, malum; dicit quae esset formosissima attolleret. Iuno, Venus, Minerva, formam sibi vindicare coeperunt, inter quas magna discordia orta. Iouis imperat Mercurio vt deducat eas in Ida monte ad Alexandrum Paridem, eumque iubeat iudicare. Cui Iuno, si secundum se iudicasset, pollicita est in omnibus terris eum regnaturum, diuitem praeter ceteros praestaturam. Minerva, si inde victrix discederet, famosissimum inter mortales futurum, & omni artificio scium. Venus autem Helenam Tyndarei filiam, formosissimam omnium mulierum, se in conjugium dare promisit. Paris donum posterius prioribus anteposuit, Veneremque pulcherrimam esse iudicavit: ob id Iuno & Minerva Trojanis fuerunt infesta. Alexander Veneris impulsu Helenam à Lacedaemone ab hospite Menelao Trojam abduxit, eamque in conjugio habuit, cum ancillis duabus Aethra, & Thysadie, quas Castor & Pollux captiuas ei assignarant, aliquando reginas.

Post annos aliquot quam haec scripserat Hyginus, suo modo enarrauit graecus ille Deorum contemptor, Lucianus, dialogo cui **ΘΕΩΝ ΚΡΙΣΙΣ** titulus est, **DEARVM IVDICIVM**. Is certe ita ingenuus est ac factus, vt non fabulam sed historiam diceret. Quoniam tamen longior est, quam epistola commodè possit includi, illum Tibi horis subcisiuis, si quando Serenissimae Reipublicae cura, has Tibi villas esse concedit, legendum commendo. Hic saltem particulam ejus aliquam commemorare liceat, Numismatis tui interpretationem propius spectantem.

IUPPITER. Mercuri, accepto hoc pomo, abi in Phrygiam ad Priami filium, pistorem, pascit autem in Ida monte, &c. Certaminis forma primum, Dea quae vicerit, pomum accipiat, &c.

MERCVRIVS. Procedamus rectè à versus Phrygiam: Novi ego Paridem hunc, adolescens est formosus, amori deditus, & ad talia disceptanda maxime idoneus.

MERC. Iunonem, Pari, & Minervam & Venerem vides, & me Mercurium: videlicet Iupiter ad Te misit. Sed quid tremis & expallescis? ne metues: nihil enim periculi hic. Iubet autem te iudicem esse pulchritudinis ipsarum. Certaminis autem primum scies lecto hoc pomo. **PARIS.** Cedo vt videam quid sibi etiam velit, **Η ΚΑΛΗ ΛΑΒΕΤΩ, ΠΥΛΧΡΑ ΚΑΠΙΑΤ.**

PARIS.

PARIS. Nudas videre volo. MERCURIUS. Exuite heus Vos: Tu vero inspicere eas; Ego interim auertam me. VENVS. Rectè, ò Paris, atque prima certe exuam me. PARIS. O Iuppiter monstrifice, quod spectaculum! quæ pulchritudo! quæ voluptas! qualis virgo hæc!

At hæc ex Luciano excerptis sufficiat. Personas in nummo signatas inuestigamus. Mercurius primus occurrit. Ionis & Maia filius, id est mentis & prudentiæ, nam ex mente & prudentia oritur oratio, inquit Georg. Codinus de orig. Constantinop. Nam juxta Iamblicum, Mercurius præest sapientiæ & eloquio. Deorum natu minimus, quia non lenescit oratio. Mercurius à mercibus dictus est, ait Festus, hunc enim negotiorum omnium existimant Deum. Audiamus Fulgentium, lib. 1. mythol. Galero, cooperto capite pingitur, quod omne negotium sit semper absconsum. Pennata habet talaria, quod negotiantium pedes ubique pergendo quasi pennati sunt. Virgam serpentibus intextam præter Homerum, Odyss. & ω. Horatium, l. 1. carm. od. 10. & Macrobius, Saturn. l. 1. c. 19. præcipue celebrat Virgilius, l. 1. *Aneid.*

*Tum virgam capit, hæc animas ille euocat orco:
Pallentes, alias sub tristia tartara mittit.
Dat somnos adimitque, & lumina morte resignat.
Illa fletus cogit ventos, & turbida tranat.
Nebula.*

Illam ex auro conflata dicunt, vnde χρυσόπρωτος Ἐρμῆς: Eamque gestasse dum Paridem alloqueretur, testatur Ouidius in Paridis epistola ad Helenam conscripta.

Inque Dei digitis aurea virga fuit.

Graphicè illum depingit Apuleius, lib. 1. *Asini aur.* Adest luculentus puer, nudus nisi quod ephebica chlamide sinistram tegebat humerum flauus crinibus usquequaque conspicuus: Et inter comas ejus aureæ pinnule cognitione simili prominebant, quem caduceus & virgula Mercurium indicabant. Quæ certè omnia mirè huic nostro nummo conveniunt, in quo Paridem ille alloquitur, plane ut cecinit Ouidius, in epist. ad Helenam:

*— pone metum, nuncius ales ait.
Arbiter es formæ, certamina siste Dearum,
Vincere quæ forma digna sit una duas.*

Talia sentiens Paris Mercurium præmium sequitur, quem contra vulgatam fabulæ famam ad Deas accedentem finxit monetarius, aut ut suas figuras elegantius disponeret, aut Dearum pudori quodammodo consuluisse videretur, Paridem potius ad Deas deducendo, quam illas ad Paridem. Simili ferè artificio usus est Lucianus, loco cit. fingens Mercurium Deabus suadentem, prius se demitti ac pedibus iter facere, ne conturbaretur pastor, supernè ex improviso deuolando. Quo vestitus gerere indutus sit pastor noster, non latus percipio: verisimile tamen est eodem vestitus fuisse.

fuisse
Ibi po
paulo

Hoc

Pileu
lerun
Phry
gura
quo
quide
galer
estqu
Nec
impe
ment
ciuit
aliud
fueri

Prian
Hec
serpe
impe
ba pe
posue
Parid
in del
sent,
abdu
se eu
amor
suos
Ionis
mus
relic
hæc
secu

fuisse vsum, quo Eumæum Vlyssis bubulcum inducit Homerus, *Odysf. l. i. 4.* Ibi postquam illum pedibus aptasse calceamenta è pelle bouina scripisset, paulo post subiungit:

Ὡς ἐπὶ πῶν, ζωστῆρι θοῶς συνέεργε χιθῶνα.

Βῆ δ' ἴμεν ἐς σὺν πεδῶς, εἰς ἔθνεα ἔρχατο χοίρων.

Hoc est,

Sic locutus cingulo celeriter coërcuit tunicam:

Porrexit autem ire ad suilia ubi grex continebatur porcorum.

Pileum autem in nummo nostro accuratè expressum videre est, id est galerum Phrygium, quo & Deum Lunum, & Ganymedem, & ipsam Phrygiam in nummis atque lucernis decorari videmus. Hujus pilei figuram quoties confidero, in mentem venire solet illius tiaræ seu galeri, quo Serenissimi Venetiarum Duces caput ornare consueuerunt, quod quidem gestamen *Corno* vulgò nuncupant. Proximè profectò accedit ad galeri illius Phrygij formam, caput enim circum circa fouet & cingit, estque, vt ille, cuspidè acuminata in anteriorem partem molliter reflexa. Nec insolitum videbitur exactiùs rem perpendenti, Venetos orientalis imperij ac ipsius Constantinopolens olim dominos, & mores & vestimentorum genera, & consuetudines aliquot istorum populorum in ciuitatem suam admisisse. Cæterùm hæc aliam scribendi occasionem aliudque tempus postulant. Redeamus ad Paridem nostrum: Is quisnam fuerit ex Hygino iterum audiamus, cuius hæc sunt verba.

Fabula XCI. ALEXANDER PARIS.

Priamus Laomedontis filius cùm complures liberos haberet ex concubitu Hecubæ, vxor ejus prægnans in quiete vidit se facem ardentem parere, ex qua serpentes plurimos exisse. Id visum omnibus conjectoribus cùm narratum esset, imperant quidquid pareret, necaret; ne id patriæ exitio foret. Postquam Hecuba peperit Alexandrum, datur interficiendus, quem satellites misericordiā exposuerunt, eum pastores pro suo filio reperiunt, expositum educarunt, eumque Parim nominauerunt. Is cùm ad puberem ætatem peruenisset, habuit taurum in delicijs: quod cùm satellites missi à Priamo vt taurum aliquis adduceret, venissent, qui in athlo funebri, quod eis fiebat poneretur, cæperunt Paridis taurum abducere: Qui persecutus est eos & inquisiuit quod eum ducerent? Illi indicant se eum ad Priamum adducere, qui vicisset ludis funebribus Alexandri. Ille amore incensus tauri sui, descendit in certamen, & omnia vicit, fratres quoque suos superauit. Indignans Deiphobus gladium ad eum strinxit, at ille in aram Iouis Hercæi insiluit: quod cùm Cassandra vaticinaretur eum fratrem esse, Priamus eum agnouit, regiæque recepit. Præcellenti forma illum fuisse testatum reliquit antiquitas. Idem Hyginus, fab. CCLXX. Qui formosissimi fuerunt, hæc verba refert: Alexander Paris Priami filius & Hecubæ, quem Helena secuta est. Dares Phrygius Paridem sæpe viderat quem ita describit, de excidio

excidio Trojæ, l. 4. candidum, longum, fortem, oculis pulcherrimis, capillo flavo & molli, ore venusto, voce suavi, velocem, cupidum imperij: quæ omnia a Dione Chrysostomo iterantur, orat. XX. & a Corn. Nepote elegantissimis carminibus Daretem interpretante. Hinc ipse Paris satis etiam sibi placebat, eumque ideo venustissimus Poëta in hæc verba prorumpentem facit, *Epistola ad Helenam*:

*Vtque ego Te cupio sic me cupiere puella,
Mularum votum sola tenere potes.*

Neque laboravit incassum cum Helenæ amorem sibi conciliauerit, quod Lucianus, loco cit. donum Veneris facit, ita enim illa apud Quidium:

*Est quoque, confiteor, facies tibi rara, potestque
Velle sub amplexus ire puella tuos.*

Quin & Paridi egregia forma vituperio data est, ut pote ignauo ac imbelli hominum generi magis conueniens: Inde Hector iratus apud Homerum, *Odys. β. & Iliad. γ.* eum per contumeliam speciosissimum forma nuncupat, ἴδος ἀπριον & mollibus bellis aptiorem. Hunc tamen fortem fuisse & bellicosum ex pluribus locis alijs manifestum est: Ipse Homerus, *Iliad. VI.* fortem illum nominat, ἰσχυρὸν ἀλκιμωτάτην. Diomedem ab ipso percussum recenset, Machaonemque ab eodem vulneratum, *Iliad. XI.* Menelai femur sagitta transfixit, inquit Dares Phrygius, & Palamedem regem de Sarpedonis morte gloriantem sagitta in collum immissa necauit. Antilochum interemit, ipsumque Achillem Græcorum fortissimum multis plagis confodit. Iuuenis cum pastor esset Priami filios, fratres quidem suos, in certamine vicerat, ut ex Hygini fabula supra descripta manifestum est. Quo loci referenda est ejusdem fabula CCLXXIII. Qui primi ludos vicerunt. Fecit in Illo Priamus cenotaphium Paridi, quem natum iusserat interfici, gymnicos: In quibus certati sunt cursu Nestor Nerei filius, Helenus Priami filius, Deiphobus ejusdem, Polites ejusdem, Telephus Herculis filius, Cygnus Nepuni filius, Sarpedon Iouis filius, PARIS ALEXANDER pastor Priami ignarus filius. Vicit autem PARIS & inuentus est esse Priami filius. Infelicitate quidem cum Menelao pugnaverit, dum illum a pugna Venus eripuit, aut cum a Philoctete sagitta percussus occubuit, narrante Hygino, fab. CXII. At hæc aduersæ fortunæ adscribantur, non ignauitæ: Audiamus Daretem, Excidij Trojani lib. 6.

— — — — — Produxerat ardens
Mygdonios in bella Paris, jamque agmine toto,
Maximus innumeris fratris aquare triumphis
Destinat; augeant animi, majorque videtur
Ipse sibi: laxat arcus & tela superbit
Spargere morte morte alia, majoribus utitur armis, &c.

Non

Non itaque fortitudini officiat egregia forma ac oris dignitas, quam vramque in suis Heroibus commendat Homerus, *Odyss. lib. XI.* Achille & Ajace, quibus nostrum Alexandrum Paridem adungere non dubitamus. Interdum etiam *Δῖος Ἀλέξανδρος* Divus Alexander nuncupatus est, *Iliad. l. 3.* & *Ἀλέξανδρος Θεοῦ* Alexander Deo par, *Iliad. l. 6.* è quibus omnibus facile colligitur Paridem maximis fuisse præditum dotibus, nec timiditatis incusandum. Sed de eo hætenus.

Ad Idam accedamus tribus Deabus superbientem. Iuno Reginae habitu, ac ideo sedens inter Palladem & Venerem stantes, conspicitur; Hoc enim titulo maximè gloriabatur,

Cur igitur Regina vocor, Princepsque Dearum?

Aurea cur dextræ sceptrâ dedere mea?

apud Ovidium, *lib. 6. Fastor.* Et apud Virgilium, *lib. 1. Æneid.*

Ast ego quæ Divum incedo Regina, Iouisque

Et soror & conjux.

A juvenando dicta est, ideo & regnis præesse dicitur, quod hæc vita diuitijs tantum studeat. Ideo etiam cum scepro pingitur, quod diuitiæ regnis sunt proxima: Velato etiam capite Iunonem ponunt, quod omnes diuitiæ sint semper absconsa. Hæc Fulgentius, *mythol. l. 2.* quæ omnia in Numismate nostro sunt conspicua. Iunonis autem verba quæ nummus exprimere non potuit, à Darete Phrygio conficta huc apponemus, è libro 2. de bello Trojano:

Venimus in saltus Phrygias, ô Dardane, veni

Magni nupta Iouis, venit Manortia Pallas,

Venit blanda Venus ——— ac tandem,

——— quacumque fluat sententia, nostri

Iunonem placuisse Ioui, iustissime iudex,

Censorem ne sperne Iovem: Sic alta profando,

Reginæ multum meminit, vultumque superbum

Vocibus ingessit.

Hujus sollicitudinem de certaminis euentu risisse videtur Dio Chrysostomus. *XI.* Græve est Ioui nuptam non existimasse suam ipsius formam esse sufficientem, nisi etiam placeret bubulcorum vni.

A Iunonis æqua stat Pallas, armata quidem & ornata tum lancea, tum galea. Illam sic describit Fulgentius, *mythol. l. 2.* Minervam ideo de Iouis vertice natam dicunt, quia ingenium in cerebro positum sit, ideo armatam quod munita sit. Cristam cum galea ponunt, ut sapientis cerebrum & armatum sit & decorum. Triplici etiam veste subnixa est, seu quod omnis sapientia sit multiplex, sine etiam quod celata. Longam etiam hastam fert, quod sapientia longè verbo percutiat. Hæc profecto in Numismate exprimuntur. Deam deinde quasi orantem cernimus, compellan-

B

temque

Pat.

temque Paridem, ut sibi formæ præmium concedat. Ejus rationes ex Darete, loco cit. audiamus:

— — — — — haud sine dote Minerva.

— — — — — à Ioue sanguis.

Virginitas me sola juvat, nil passa pudendum;

Non læsura thoros, non deprensura maritos.

Macte Paris, mea bella viri, mea pensa puella,

Et mea laurigeri meditantur carmina Vates.

— — — — — Minervam.

Accipe plus tacitè meritam quàm voce sequantem.

Virtutum custos, virtutum præmia Pallas.

— — — — — formæ titulum si virgo meretur.

Annue, & Iliacum, iudex, ne despice fatum.

Demum Venus à dextra stat lunonis, nudo quidem & intecto corpore per-
fectam formositatem professa, ut cum Apuleio loquar, lib. X. Afic. aur.
nisi quodd. tenui pallio bombycino inumbrabat spectabilem pubem: quamquidem
laciniam curiosulus ventus satis amanter nunc lasciuens resabat; ut dimota
pateret flos ætate: nunc luxurians adspirabat, ut adhærens pressulè, mem-
brorum voluptatem graphice lacinia-
ret. Nuditatis ejus rationem exprimit
Fulgentius, mythol. lib. 2. siue quodd. nudos sibi affectatores dimittat,
siue quodd. libidinis crimen nunquam celatum sit, siue quodd. nunquam nisi nu-
dis conveniat. Altercatio Hadriani Imp. atque Epicteti philosophi, ele-
gans certè est: HADR. Quare Venus nuda pingitur? EPICT. Nuda Venus
picta, nudi pinguntur Amores: Quibus nuda placet, nudos dimittat oportet.
Ovidius quidem illam sæpè nudam exprimit, lib. 3. art. am.

Nuda Venus madidas exprimit arte comas.

& in epist. Didonis ad Æneam, quia mater Amorum.

Nuda Cytheriacis edita fertur aquis.

Nec prætereundus locus Arnobij, lib. 6. Venus nuda ac aperta depingitur,
ac si dicas: illam publicare ac diuendere meritorij corporis formam. Denique
agmen hoc testimoniorum claudat Lucianus, in amoribus, ubi de Venere
Cnidia Praxitelis: Η μὲν οὖν θεὸς ἐν μέσῳ τῷ ναῶ καθίσταται καὶ τῷ λ.
Hoc est, In medio templo Dea posita est ex Pario marmore, opus sanè pul-
cherrimum, & diducto ore paulum subridens. Tota autem ejus pulchritudo
detecta, nulla veste ipsam tegente: nuda conspicitur, nisi quodd. oblita sui,
altera manu pubem obtegat. Ea quidem ipsa tantæ erat famæ ut scripserit
Plinius, l. 38. c. 10. eam ut viderent multos nauigasse Gnidum. Tandem
etiam Deam hanc loquentem audiamus, & rationes suas proferentem
apud eundem Daretem:

— — — — — Venus tandemque profatur.

Mæsta parùm, sed blanda oculis & fronte senera.

Elos juvenum, spes nostra, PARIS, — — — — —

nostris

— — — — — nostri sine cæde triumphi.
Munus habet Veneris, munus quo Sparta superbit.

— — — — — similem iudex ne despice vultum:

Sic effata genas raptò depromit amictu.

Nuda humeros, exerta sinus, totoque diecit

Ore. Pudet Divas Veneri cecidisse triumphum.

Hæc ita Deas dixisse fingunt poëtæ, verecundiùs tamen alij, cum ad expetitum iudicium devenit.

Tresque simul Divæ, Venus & cum Pallade Iuno,

Graminibus teneros imposuisse pedes.

Mirificè deindè Ovidius, in epist. Paridis ad Helenam, nutantem pasto-
ris animum exprimit:

Vincere erant omnes dignæ, iudexque verebar

Non omnes causam vincere posse suam.

Etenim ille ab vna ad aliam adspèctum transferendo, à neutra se aver-
tere valebat, vicissimque pomum tribuere singulis destinabat, adeo for-
mosa pariter illi videbantur, inquit Lucianus, loco cit. Αἵται δὲ πᾶσαι
τε ὁμοίως καλὰι. Dubitationem adaugebat promissorum amplitudo:
Ovid. loco cit.

Regna Iouis conjux, virtutum filia jactat,

Ipe potens dubito, fortis an esse velim.

Dulce Venus risit, &c.

Nos dabimus quod ames.

Vnaque cum regnum, belli daret altera laudem,

Tyndaridis conjux, tertia dixit, eris.

Ἀρουν ἐπὶ τούτοις δίδωμι τὸ μῆλον, ἐπὶ τούτοις λαμβανε:
ob hæc igitur do tibi pomum, ob hæc accipe, inquit Paris, Luciano
autore.

Idæ montis collem non malè designat nummus hic, arboribus frutici-
busque oblitum, qualem pingit Ovidius, loco cit.

Est locus in media nemorosis vallibus Idæ

Deius, & piceis ilicibusque frequens.

Quin & rupes animadvertere non est difficile quarum mentionem facit
Lucianus, loco cit. dum Mercurius ita Iunonem alloquitur: An non vides
bucculas ex medijs rupibus progredientes, & quemdam à scopulo deorsum
currentem, pedum tenentem? Sculptoris diligentiam vltro mirari locus
est, qui nihil quod totam aperiret fabulam prætermisisse videtur. Tau-
rus quippe manifestè inter pascua conspicitur, quem minimè dubito eum
esse quem Paris in delicijs habuit, pro quove certavit, Priamique filios
vicit, de quo supra, ex Hygini fabula XCI. Obscurius quidem conspici-
tur in ima nummi parte animaleulum aliud, quod si ad murem referri
posset,

posset, de illo liceret aliquid conijcere. Nam Clemens Alexandrinus προπερτ. p. 25. peculiarem Phrygum religionem ita exponit: Polemo refert, incolas TROADIS mures indigenas, quos σμίνθους vocant, colere, quodd arcuum hostilium nervos corrossissent: Et Apollinem ab his Sminthium nuncupari. Illustrat id Strabo, lib. 13. statuæ illius Dei mentione facta, Erat autem mus sub pede Apollinis. Muris autem cultus non primum hic prodierat; Narrat quippe Herodotus, l. 2. c. 141. Sennacheribum Assyriorum regem, Asia subactâ, Egypto bellum intulisse: Sethonem vero ex Vulcani sacerdotibus, Egypti regem, viribus imparem ad officia pietatis conuersum, somnio fretum, in Pelusio castra posuisse: Illinc murium agrestium vim noctu hostibus effusam esse, qui illorum pharetras arcus & scutorum habenas comederunt; ita ut hostes die postera armis exuti fugam fecerint, multis amissis. Sethoni regi statuam lapideam in templo Vulcani positam se vidisse affirmat Herodotus, cujus in manu mus erat cum hisce litteris, IN ME QVIS INTRENS PIVS ESTO. Quidni & Trojæ αλωσιν Phryges hoc muris hieroglyphico designauerint? Egyptij enim destructionem significantes murem pingunt, quia omnia consumens inquirat & deperdit: Αφανισμὸν δηλοῦτες μὲν ζωγράφουσι, ἐπεὶ δὴ πάντα ἐσθίων μαιίνει καὶ ἀχρηστῇ: ex Horo Apolline, l. 1. c. 47. Si quis tamen animal hoc in nummo conspicuum, de pecude ad gregem Paridis spectante velit interpretari, liberum erit nec ego repugnabo.

Ab argumento nostro alienum non erit paucis injungere quosdam Homeri commentatores, in quibus Spondanus, opinari Paridis de tribus Deabus judicium ab Homero non agnitum fuisse, cum ille diuersas ipsis dotes passim tribuerit, quam vulgò fama ferebat, antiquamque θεολογίαν incertam dubiam ac futilem exposuerit, quam solertior cautiorque distinxit posteritas. Conjecturæ fauet Plutarchus, subreptitia esse censens hæc carmina, Iliadis 24.

— — — Αλεξάνδρου ἐν ἐκ' αἴτης,

"Ὅς νείκεσσι θεάς, ὅτε οἱ μίσσαντων ἴκοντο.

Τὴν δ' ἦνυς ἢ οἱ πόρε μάχλοσύνην ἀλεγεινήν.

Hoc est,

— — — Alexandri propter damnum

Qui contempsit deas, quando ad ejus tugurium iuerant:

Hancque laudauit quæ ei præbuit libidinem tristem.

Hæc sunt Plutarchi verba: Τοῦ δὲ τρωικοῦ πολέμου καὶ τ' λ. Hoc est, Trojani autem belli occasionem quidem hanc fuisse perhibent. Quod Alexander de tribus Deabus Iunone Minerva & Venere propter formæ elegantiam inter se contendentibus, sententiam dixerat: Sic enim Ποῖτᾱν canere,

οο

οὐκ εἰς τοὺς θεοὺς &c. Sed profecto indecorum esset suspicari Deos ab hominibus judicari, praesertim cum nusquam alibi Homerus id asserat. Quo fit ut praedicti versus merito rejecti sint, &c. Verum pace tanti Scriptoris liceat nobis Nummi nostri auctoritatem sequentibus, ab illo dissentire, atque afferre in contrarium opiniones clarissimorum hominum ac poetarum, superius à nobis laudatas, & temporum usu receptas. Iuno certe ac Minerua semper Graecis propitia fuere numina, & Venus Trojanis, quod ex innumeris Homeri locis, praesertim Iliad. lib. 5. comprobatur:

Iuppiter in Trojam, pro Troja stabat Apollo,

Aqua Venus Teucris, Pallas iniqua fuit.

Quae omnia iratorum numinum vindictam aut gratificantium fauorem ob iudicii exitum manifestè declarant.

Iudicium deinde Paridis ac excidium Trojae versu 5. Iliadis designatum multi autumant, Διὸς δ' ἐτελέετο βουλὴ: Hoc est, Iouis autem perficiebatur consilium. Eius vetustissima historia exstat apud Stasimum, Cypriorum carminum auctorem, Eueclo a Greg. Giraldo tributa, quae sic se habet. Terram ferunt, cum hominum multitudine graueretur, nulla tamen inter ipsos regnaret pietas, postulasse à Ioue, ut se tanto onere leuaret: Iouem autem primò quidem Thebanum bellum excitasse, in quo multi perierunt, deinde verò Momum usum consilio, quod Διὸς βουλὴν Homerus nuncupat. Cum autem fulminibus aut diluvijs totum humanum genus posset perdere, hoc Momum impedisse, propositaque Thetidis θυτογαμία quam bellum inter Graecos ac barbaros subsecutum est, sicque Terra multa sui oneris parte leuata est. Celebritatem fabulae indicat pictoris famosi opus apud Plinium, lib. 34. c. 8. Euphranoris ALEXANDER PARIS est, in quo laudatur quòd omnia simul intelligantur, Iudex Dearum, amator Helenae & tamen Achilles interfector.

Non defuerunt apud Antiquos qui iudicium istud non fabulam modò, verum Paridis somnium fuisse existimarunt, cui contrarium ac Herculi Prodigio euenerit: Hic enim repulsa κακία, ut ait D. Hieronymus ἀρετὴν seu virtutem elegit quam coleret. Paris verò spreto opum atque dignitatum spe, quibus Iuno praeesse credebatur; spreto quoque aut saltem posthabita artium industria, scientiarum πολυμαθία, ac laudis immortalis gloria, libidine accensus illi se totum tradidit. Nihil profecto ex Antiquorum scriptis nobis relictum est, è quo μυθολογίαν eruere non sit facillimum: adeo mens humana non minus in excogitandis fabulis, quam in iisdem explicandis felix est & secunda. Illud insuper dissimulandum non est, Eusebium, in Chronico, non ad fabulam aut somnium, sed ad historiam haec omnia referre: Scribit enim Trojam fuisse euersam

Hoc est,
Alexan-
driam
canere,
οὐκ

euerſam ob Helenæ raptum , quæ vna fuerat è tribus mulieribus , quæ de forma inter ſe contendebant.

Denique cùm Te, Illuſtriſſime & Excellentiſſime Domine , ſermone gallico non delectari modò , ſed & imprimis inſtructum ſciam ; liceat mihi coronidis loco, epistolæ latinæ gallicum ſubungere poëmation , ex eo genere quod noſtrates Rondeau dicunt ; Quod mira venuſtate, paucis verſibus totam hujus judicij hiftoriam complectitur ejus autor celebris poëta DE BENſERADE :

*A la beauté c'eſt trop que tout pretende ;
Trois Deitez de la celeſte bande ,
Furent trouuer autrefois ſur cela
Le beau Paris : chacune luy parla ,
Comme ſon droit au luge on recommande.*

*Chacune eſpere & chacune apprehende ,
Pour obtenir le prix qu'elle demande ,
Chacune joint les hauts talents qu'elle a
A la beauté.*

*Moy , dit Junon , je ſuis riche & ſuis grande ;
Moy , dit Pallas , des Scauans j'ay l'oſſrande ;
Moy , dit Venus , je ſuis belle & par là
Je dois auoir la pomme que voila :
Auſſy l'eut-elle . Il faut que tout ſe rende :
A la beauté.*

Scribebam Patauij , IV. Idus Iunij , die qui Fortunæ ſacer erat olim Romanis , M DC LXXIX.




que
none
liccat
tion,
late,
autor

91

N
In

C
E



005645034